

# **OKVIRNI SPORAZUM**

## **za nabavku usluga izdavanja avio karata**

zaključen između:

**USTAVNI SUD BOSNE I HERCEGOVINE**, Reisa Džemaludina Čauševića 6/III, Sarajevo, koga zastupa predsjednik Ustavnog suda Bosne i Hercegovine, Zlatko M. Knežević, (u daljem tekstu: **Naručilac usluga**)

**i**

**EUROLINE TRAVEL d.o.o.**, Kralja Petra I Karađorđevića br. 97, Banjaluka, koga zastupa Vanja Janković, direktor (u daljem tekstu: **Davalac usluga**)

### **Član 1.**

Predmet ovog okvirnog sporazuma je nabavka usluga izdavanja avio karata i organizovanja putovanja za potrebe Ustavnog suda Bosne i Hercegovine, prema definisanim uslovima iz tenderske dokumentacije broj SU-08-428-4/19 od 22. maja 2019. godine, prema sadržaju ponude broj 02-06/19 od 5. juna 2019. godine sa kojom je Davalac usluga učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

Naručilac usluga zadržava pravo potpune ili djelimične realizacije nabavke usluga do ukupne planirane vrijednosti, a prema planu potreba za predmetnu nabavku.

### **Član 2.**

Jedinična cijena naknade za prodaju avio karata (TSC) za pružanje usluga iz člana 1. ovog okvirnog sporazuma iznosi 1,14 KM KM bez PDV-a odnosno 1,33 KM sa PDV-om.

Ukupna cijena naknade (TSC) po predviđenoj količini bez PDV-a iznosi	68,51 KM
Iznos PDV-a	11,64 KM
Ukupna cijena naknade (TSC) po predviđenoj količini sa PDV-om iznosi	80,16 KM

Ukupna okvirna vrijednost ovog sporazuma iznosi 40.000,00 KM bez uračunatog PDV-a, odnosno 46.800,00 KM sa uračunatim PDV-om za predviđenu količinu od 60 avio karata.

Vrijednosti pojedinačnih narudžbi podrazumjevaju vrijednosti pojedinačnih avionskih karata kao i vrijednosti usluge izdavanja avionskih karata za potrebe Naručioca usluga.

Obavljanje navedenih usluga iz člana 1. ovog sporazuma će se vršiti sukcesivno u toku trajanja ovog okvirnog sporazuma na osnovu pojedinačnih narudžbi Naručioca usluga.

### **Član 3.**

Ovaj okvirni sporazum se zaključuje na određeno vrijeme na period trajanja od 12 mjeseci odnosno do njegovog ispunjenja, uz mogućnost jednostranog raskida uz otkazni rok od trideset (30) dana.

### **Član 4.**

Davalac usluga se obavezuje da će usluge izdavanja avio karata pružati u skladu sa svojom Ponudom broj 02-06/19 od 5. juna 2019. godine i rezultatima održane e-aukcije, a po narudžbi Naručioca usluga. Najava i otkaz rezervacije vrše se pismenim putem (faksom ili e-mailom).

Davalac usluga će omogućiti kontakt 24 sata na dan, i u dane kada se ne radi, kao i osigurati prioritet prilikom pružanja usluga, te besplatno dostaviti avio kartu elektronskom poštom ili adresi Naručioca usluga, odnosno na drugu udaljenu lokaciju u svijetu u skladu sa zahtjevom Naručioca usluga bez zaračunavanja dodatnih troškova.

Davalac usluga se obavezuje da osigura alternativne rute u okviru opisa putovanja, te je dužan da Naručiocu usluga ukaže za sve moguće posljedice u slučaju otkazivanja, propuštanja kao i izmjene leta.

Rok za isporuku avionskih karata i organizovanja službenih putovanja po pismenom zahtjevu Naručioca usluga je najkasnije tri dana prije dana putovanja.

Davalac usluga dužan je po svakom zahtjevu koji dobije od Naručioca usluga, dostaviti najmanje tri opcije (ponude tri avio kompanije) za usluge nabavke avio karata i organizovanja putovanja.

### **Član 5.**

Naručilac usluga se obavezuje da će, s obzirom na sistem trezorskog poslovanja institucija BiH, fakturu za navedene usluge proslijediti na plaćanje Ministarstvu finansija i trezora BiH odmah, a najkasnije 30 dana nakon korištenja usluge odnosno realizacije leta.

Davalac usluga je saglasan da Naručiocu usluga neće zaračunavati kamate za zakašnjenje prilikom plaćanja preko Trezora, ako je Naručilac usluga u ugovorenom roku predao nalog za plaćanje Trezoru BiH.

### **Član 6.**

Na odnose između ugovornih strana koji nisu uređeni ovim okvirnim sporazumom primjenjuju se odredbe Zakona o obligacionim odnosima u Bosni i Hercegovini.

**Član 7.**

Sve eventualne sporove ugovorene strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.


**Član 8.**

Ovaj okvirni sporazum se zaključuje na period od 12 mjeseci, a stupa na snagu danom potpisivanja od strane ovlaštenih osoba ugovornih strana.

**Član 9.**


Ovaj okvirni sporazum je sačinjen u četiri (4) istovjetna primjerka od kojih svaka strana zadržava po dva (2) primjerka.

**Za Davaoca usluga**

  
Vanja Janković

Direktor

**Za Naručioca usluga**

  
Zlatko M. Knežević

Predsjednik USBiH

Broj: 00-07/19

Datum: 31.07.2019

Broj: SU-08-428-12/19

Datum: 29-07-2019